

Վարչական տույժ նշանակելու մասին

«19» մայիսի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով ԻԻՀ քաղաքացի Մոհամմադիան Մոհամմադի (անձնագիր՝ M47738403, հասցե՝ ԻԻՀ, ք.Թավրիզ) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2023 թվականի մայիսի 14-ին ԻԻՀ քաղաքացի Մոհամմադիան Մոհամմադին իր կողմից շահագործվող «IVECO» մակնիշի, 337CC61/02D048 պետհամարանիշի բեռնատարով ԻԻՀ-ից մուտք է գործել ՀՀ: Հարավային մաքսատուն-վարչությունում փաստացի կշռման արդյունքում (S/< 05100041/140523/0021430) պարզվել է, որ վերոնշյալ բեռնատարի ընդհանուր քաշը 1360 կգ-ով պակաս է Մեդրիի մաքսային կետ-բաժնի կշռման քաշից: Մեդրիի մաքսային կետ-բաժնից Հարավային մաքսատուն-վարչություն հասնելու համար «IVECO» մակնիշի, 337CC61/02D048 պետհամարանիշի բեռնատարի ծախսը կազմել է 350 լիտր: ԻԻՀ քաղաքացի Մոհամմադիան Մոհամմադի հայտարարության համաձայն 900 լիտր դիզելային վառելիքը վաճառել է ճանապարհին: 900 լիտր դիզելային վառելիքի մաքսային արժեքը կկազմեր **380 000 ՀՀ դրամ**:

Նշված փաստի առթիվ ԻԻՀ քաղաքացի Մոհամմադիան Մոհամմադի նկատմամբ Հայաստանի Հանրապետության պետական եկամուտների կոմիտեի Հարավային մաքսատուն-վարչության ՄԳ բաժնի գլխավոր մաքսային տեսուչի կողմից 19.05.2023 թվականին հարուցվել է մաքսային կանոնների խախտման վերաբերյալ վարույթ՝ «Մաքսային կարգավորման մասին» ՀՀ օրենքի 308-րդ հոդվածի հատկանիշներով, այն է՝ առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ

անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 308-րդ հոդվածի 1-ին մասի համաձայն՝ «Առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը՝ **առաջացնում է տուգանք՝ այդ ապրանքների և տրանսպորտային միջոցների մաքսային արժեքի երեսուն տոկոսի չափով**»:

Վարչական վարույթի նյութերի ուսումնասիրությունից պարզվում է, որ ԻԻՀ քաղաքացի Մոհամմադիան Մոհամմադի մաքսային հսկողության ներքո փոխադրվող ապրանքի մի մասը՝ **900 լիտր դիզելային վառելիքը**, հանձնել, օտարել, ոչնչացրել կամ կորցրել է:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 308-րդ, 301-րդ, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Քաղաքացի Մոհամմադիան Մոհամմադիին «Մաքսային կարգավորման մասին» ՀՀ օրենքի 308-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **114 000 ՀՀ դրամ**:


2. Որոշման մասին հայտնել քաղաքացի Մոհամմադիան Մոհամմադիին:

3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4" «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված փուզանքի վճարման հաշվեհամարն է. 900005024055՝ 114000 ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ